

重修廬州府志

嘉慶七年

內廷續修會典檄取天下府州縣志以備採錄故事方志閱六十年一修余自己未奉

命出守廬州下車之日查閱郡志類多殘缺蓋未修者已一百有六年矣卽倡議修舉時以簿書期會紛冗奔馳稍暇則勸民耕桑濬陂塘復勘治七門堰黃絲灘

廬州府志

諸水利未遑他務比歲以來年豐民和獄訟稀少乃修葺學宮增置祭器樂縣闢書院時與諸生講論勵其文行士風蒸蒸日上矣於是率同僚屬議修郡邑志各紳士均踴躍從事適與

令甲符合遂設局舉行維時陽湖孫觀察星衍及元和蔣孝廉棠全椒王明經祖怡皆好古博雅因爲延請到局纂輯並選郡中髦士共搜羅訂正之書旣成復就

正於桐城姚姬傳先生並詢諸合肥左明府輔無爲州顧刺史浩舒城熊明府載陞廬江魏明府紹源巢縣魏明府象彩僉以爲善剴剴甫畢適余奉檄委署安徽道篆郡人士咸來問敘於余爰爲之敘曰方志之體分得班氏地里司馬氏郡國志之一隅而其格式備具於常璩華陽國志其卓然可傳者大要觀其記古事有根據隸今事無枝葉不僭史

廬州府志

氏褒貶之責不取流俗不雅馴之談則得撰述之體矣今世所存方志其善於宋人所修吳郡志建康志長安志諸書余皆得見之廬屬古志据王象之輿地紀勝引有帥李大東撰合肥志文獻通考載有淳熙十五年郡守鄭典裔及合肥主簿唐錡撰合肥志教授宋宜之撰無爲志太守柴瑾爲之序明一統志又引元廬州志今皆不可得見近志爲康

熙三十五年郡守張純修所纂其時未見唐宋人地志諸書空疏無故寔因求故家得明隆慶志楊儀部循吉所撰頗爲精核崇禎志多仍舊本茲用三志參訂各取其長加以博搜載籍其志沿革則取之各史地里郡國州郡地形職方諸書志山川古迹則取之魏鄺道元唐李吉甫宋樂史祝穆歐陽志王象之諸人水道地記諸書志人物名宦則取之

廿四史列傳旁搜子書雜史志大事則取之編年正史志佚事則取之傳記百家其田賦兵防水利各類皆援據古書折衷今制以爲一代文獻廟寺冢墓金石搜羅遺佚碑碣遍覽說部增於舊志幾十之五人物志之出於近世者則得於都人士輿論稽諸公牘庶幾質核而不誣合以圖表其爲五十四卷俾百餘年來典章文物吏治民風釐然畢具非

敢自詡博雅亦庶免不醇不備之憾云爾嘉慶八年春正月

賜進士出身

誥授朝議大夫署理安徽寧池太廣等處兵備道兼管蕪湖關稅務廬州府知府前刑部陝西司郎中總辦秋審處加四級紀錄十三次溫陵張祥雲撰

廬州府志序

廬州居江淮之間湖山環匯最爲雄郡余嘗謂

國家因明舊制臨江建安徽省治官舍吏廨成立百餘年不可猝移耳若以地勢寬平原隴雄厚控扼南北之要言之安徽大府建牙未有宐於合肥者也故守是者尤貴得其人焉晉江張鞠園使君以尙書賢郎受

特命守廬州敷政三年吏靖民和人頌其治使

廬州府志姚序

一

君夙工文章勤學稽古於吏事之暇展尋舊志覺其舛失漏略且志後事未及紀者逾百年矣乃復精攷博採補綴脩削更成新志凡五十四卷於是鉅郡之規撫益彰而文獻之事益備夫廬州古文章之地也昔者廬江周興之徒蘊匱古今博物多聞見推漢朝而民間孔雀東南之詩遂爲千古五言之冠其風俗文盛可知已及三國兵興蕪爲用武之地文教衰薄風俗美惡與世轉移其來久矣

聖朝統治百餘年吏謹而民樂俗朴而道文夫文學者所以興德義明勸戒柔馴風氣登長才傑於爲政之事似賒而實切者也今使君勒成是志以示此方之人而因教導之則其所以化民成俗者固可觀其一節矣

嘉慶七年冬十月桐城姚鼐序

廬州府志姚序

二

重修廬州府志敘

郡縣之有志猶國之有史家之有譜也而志之不可曠歲不脩較史與譜爲甚何則譜者一家之事世系行業婚宦生卒其子若孫非甚不肖皆謹識之雖歲久未至亾失史則朝廷設官掌之而且有起居注有時政記有

廬州府志序

一

會要有六曹文案以及百家記述卽更姓易代纂輯不難志則不然所載止於一方所據者有司之簿籍暨長老所記憶耳簿籍出胥吏之手記憶則言人人殊皆不足徵信若非及時編述隔越年所則缺失多而攷究難不獨瑰行嘉猷泯滅不彰無以爲來

者之勸卽農田賦額水利學校一切建置沿革湮沒不載官斯土者欲有所爲仰稽舊章率宵冥而莫得其原其害豈淺鮮哉然其事體甚大少不詳慎則訛誤缺失爲世譏議而其爲害又緩而難見非若刑獄賦稅之不可以一日不理也以故近世守土之

廬州府志序

二

吏其下者碌碌簿書披訟牒謹催科以避就殿最而已其有留意教化究心民瘼者則爲良吏矣而於網羅人物綜核典故之事亦往往遜謝未遑非學有經法知治體而才復沛然有餘者輒不敢作志不惟不敢亦不暇權觀察廬州守張君八閩名進士也

以郎中尤異奉

命出守望郡越數年政成民和百度具舉
脩城隍興學校暇則進郡之秀士課
其文行厥風蒸蒸又懼郡志不脩已
逾百年非及今排纂則廢墜益甚爰
集郡之紳士旁搜博採近攷遠稽於
舊志則正其訛補其闕其近今數十

年事則續而成之披其書條貫綱紀
燦然秩然君之爲此蓋亦勤矣抑予
有感焉皖江左右夙號忠信質實然
以予采風所至江之南士文而秀其
失則儉江之北士朴而誠其失則悍
廬處江淮之間其士民獨馴良好學
俗知禮讓階鮮諍詞豈非賢有司之

教哉方今

聖人在上醴化淳懿守土之吏大法小廉
有教民之責者誠能探其本原而善
道之將見風俗隆起進而益上人才
挺出且有過於今誌所載者使獨山
合水之間蔚然稱最盛焉此則予與
張君同勉之矣孔子曰君子學道則

愛人小人學道則易使也嗚呼豈不
然哉嘉慶八年歲在昭陽大淵獻閏
二月初吉

賜進士及第中議大夫

日講起居注官翰林院侍講學士提督安
徽學政加二級紀錄二次山陽汪廷
珍序

廬州府志序

安徽於天下地形畧當南北之中而廬州又當安徽之中者也夫南人之美文秀而其敝佻巧北人美質厚而其敝麤厲今廬州居南北之中所願民俗兼有南北之美而去其敝而已余受

廬州府志序

一

命撫安徽而晉江張鞠園爲廬州守鞠園曩在西曹與余同官著文章兼吏能同僚靡不重之及守廬復以循績稱今又脩其郡志適成余閱之其用意勤密考論精善誠足嘉也第余愧薄陋雖奉宣

朝廷之德教而恐未足以化民意守令之

賢士民之俊掖導裁成增美去敝將必能助余而成美俗以著

聖治之極此余所深望而鞠園與余故交其尤知余衷者也故書以爲是書序云嘉慶八年冬十一月

欽命兵部侍郎兼都察院右副都御史巡撫安徽等處地方兼理提督統轄全

廬州府志序

二

省軍務糧餉節制各鎮長白阿林保
譔

廬州府志纂修職名

主修

署理安徽寧池太廣兵備道廬州府知府 張祥雲

同修

廬州府督糧通判 高廷瑞

合肥縣知縣 左輔

無為州知州今陞泗州直隸州知州 顧浩

舒城縣知縣 熊載陞

廬江縣知縣 魏紹源

巢縣知縣 魏象彩

廬州府學教授 陳略

廬州府志

廬州府學訓導 黃騰驤

合肥縣學教諭 汪繼序

合肥縣學訓導 楊懌璽

廬江縣學教諭 言朝樾

巢縣學教諭 蘇廷煜

廬州府經歷 孫炳震

合肥縣丞 孫同珍

監局

署理無為州學龍司巡檢候補從九品 陳永芳

代理合肥縣青陽司巡檢候補從九品 姜登釗

司局

合肥縣候選千總范華國

合肥縣候選州同趙璵

合肥縣候選州同李厚

廬州府學增生謝麒書

合肥縣候選布政司理問虞廷瑾

合肥縣監生王運馨

合肥縣監生張之柱

纂修

原署山東按察使克沂曹濟道孫星衍

協修

蘇州府元和縣舉人蔣棠

廬州府志

二

滁州全椒縣廩貢生王祖怡

分修

湖北隨州進士儲嘉珩

浙江海寧州副貢生楊惕龍

江寧府監生嚴觀

浙江海寧州附貢生徐師鑒

浙江海寧州貢生許錫麟

滁州全椒縣恩貢生吳璠

蘇州府常熟縣生員王豫

江寧府生員汪陽

順天府宛平縣生員姚榮

無爲州原任刑部主事吳元慶

合肥縣拔貢生董元

舒城縣舉人孔繼序

廬江縣副貢生黃金臺

巢縣舉人陳夏常

採輯

廬州府學廩生周大槐

合肥縣增生楊聯奎

舒城縣拔貢生黃荷

廬江縣貢生李光瓊

無爲州廩生侯之績

廬州府志

三

巢縣廩生翟兆璣

校閱

勅封文林郎合肥縣附貢生趙承烈

合肥縣進士即用知縣張建領

合肥縣進士即用知縣洪運開

合肥縣舉人范邦政

合肥縣拔貢生程箴

合肥縣拔貢生范從律

廬州府學廩生黃保泰

合肥縣廩生趙開第

合肥縣廩生董三餘

廬州府志圖

廬州府志圖

東至和州合山縣界一百九十里

廬州府

陽鳳至北



府慶安至南

圖總境

里十三百一界縣定周



里十四百二界縣定周

廬州府志圖

西至六安州界二百二十里

東至巢縣界九十里

府治合肥

里十八百一縣定至北東



肥合治府

廬州府志圖

西至六安州界一百二十里



縣境圖

西北至壽州一百八十里

廬州府
合肥縣

舒城縣城界十八里

六安界
官廳
千牛山
周公山
李陵山
石佛山
大雷山
七星墩
上派河
舒城縣城
桃樹鎮
徽舒

里十八百一州壽至北西

南至舒城縣界十八里


廬州府志圖

縣城圖



This is a historical map of Xian County (縣城圖). The map shows a walled city with a prominent gate on the left side. Inside the walls, several key locations are marked, including the County Seat (縣署), County Jail (縣監), and County Temple (縣學). The map also depicts the surrounding landscape, including rivers and mountains. The title '縣城圖' is written at the top.

外事

圖



學府



舒城縣


北至合肥縣



東至冀州界六十里

縣城桐至南

舒城縣



八

西至六安州界二十五里

七

境圖

里十四



里十六

廬江縣





東至巢縣界八十里

廬州府志圖

八


城圖





廬州府志圖

九



廬州府志圖



十



西至廬江縣界五十里



廬州府志圖


十一



廬州府志圖

十二





廬州府志卷一

賜進士出身廬州府知府溫陵張祥

沿革志表 分野 疆域 形勝 風俗

論地志者以辨沿革為最要而辨之最難夫廬州所以名廬者以廬江郡而名之也追廬江之所以名則其水即今江西彭蠡之水漢文帝建廬江國于彼及景帝遷廬江王為衡山王王于江北廬江為郡遂析江北衡山之地入之然漢書地理志不載廬江之始為衡山郡又不載廬江江南之縣于何時割去也是以便後世言地理者于斯多謬賴淮南王傳叙次甚明考之得以知諸說之誤而斷廬江郡之本為衡山郡也其餘沿革則元

廬州府志卷一 沿革

和郡縣志世佚其淮南西道不可得見茲採太平寰宇記及各史地志而時以愚見辨說于其間又以郡縣沿革表及分野疆域形勝風俗悉附於後云

廬州府禹貢揚州之域殷周為南巢及巢國

漢地理志廬江九江俱屬揚州

太平寰宇記地屬揚州昔成湯放桀芮伯命巢即此地

春秋時羣舒及巢境

春秋文公十二年楚人圍巢杜註廬江六縣東有居巢城左傳羣舒畔楚杜註今廬江南有舒城舒城東南有龍舒按巢蓋楚之屬國以杜注推之古巢約在今合肥無為界也杜所云廬江者晉時廬江治陽泉而云舒在其南則正

當今舒城界內矣其餘舒庸舒鳩之類地不可明或在今廬州界或不在無以辨之矣

漢地理志廬江郡注應劭云故廬子國

元和郡縣志

此卷闕見玉海

廬州本廬子國春秋舒國之地

太平寰宇記廬州古廬子國春秋時爲舒國地

方輿勝覽廬州以廬江名舊云古廬子國此應劭之說非也

按應劭以廬江爲廬子國漢時古書尙多或非無据然如應說其廬國固當在江南之廬江不當在江北之廬江也戰國屬楚秦始爲楚郡地後爲九江郡

按史記楚世家秦虜楚王負芻滅楚名爲楚郡而史記裴

廬州府志卷一

沿革

二

明注于始皇二十六年分天下爲三十六郡去楚郡名定其名曰九江者據漢書地志九江郡秦置而名之耳實則二十六年之郡名未可決知又始皇紀載二十八年從彭城西南渡淮水之衡山南郡則此地似當時名衡山郡也今姑從裴說書之及項羽分王諸將則分九江郡爲二國北爲九江王黥布南爲衡山王吳芮

漢初爲淮南國統四郡兼有江南其後江北地分爲兩國北爲淮南國國除爲九江郡南爲衡山國其卒爲六安國及廬江郡

按史記黥布爲淮南王都六九江廬江衡山豫章郡皆屬布布反誅高帝立子長爲淮南王文帝六年長廢徙十六

年以長故地封長子安爲淮南王得九江郡勃爲衡山王得衡山郡賜爲廬江王得豫章廬江郡景帝時勃徙爲濟北王賜徙爲衡山王史記云廬江王邊越數使使相交故徙爲衡山王王江北據此則廬江之本在江南爲甚明矣賜以有過而北徙景帝蓋不盡予以衡山之故地其東境蓋頗以南附廬江故廬江當時跨有江之南北武帝元狩元年安賜皆謀反國除淮南國爲九江郡衡山國爲衡山郡衡山郡旋爲六安國以王膠東王寄之少子慶史謂其得故衡山地而衡山之名自是遂隱矣史記貨殖傳稱九江衡山爲南楚而不及廬江殆猶舉其舊名乎漢地志于廬江郡下書云廬江出陵陽東北入江陵陽江南地也

廬州府志卷一

沿革

三

此必哀平以前廬江之舊志其時陵陽北流之水實行于廬江郡之境也又太史公龜策傳曰余至江南問其長老云龜千歲遊蓮葉之上江旁家人常畜龜飲食之褚先生記其後曰廬江郡常歲時生龜長尺二寸者二十枚獻太子官夫褚先生昭宣時人此足見昭宣之世廬江猶跨有江南及漢書地志廬江郡乃無江南之縣蓋廬江本兼得衡山廬江之地自昭宣歷元成哀平不知中何時又截江爲界使漢初廬江郡界盡入豫章則是郡雖有廬江之名而實僅有舊衡山郡之十二縣而已地志成于平帝元始之歲於此頗有漏略而班固因之雖存廬江出陵陽之舊說而考其山川則固非其土矣然賴其載是語而知其郡

境之本不止是也是猶九江郡本以臨九江水得名及項羽拔其南爲衡山國則九江之國與其水隔絕不鄰而應劭猶于九江郡注曰江自廬江尋陽分爲九此與其注廬江爲廬子國者正同聊解其名義可也而據以定沿革之實則舛矣

漢地理志廬江郡故淮南文帝十六年別爲國淮南者國名別爲國

者淮南本統四郡後分屬縣有舒居巢襄安臨湖九江郡

秦置高帝四年更名淮南國武帝元狩元年復故屬縣有

遼道遼道今廬州府蓋得漢廬江郡之北四縣與九江郡之南三縣

後漢因之以合肥臨湖居巢俱爲侯國

郡國志九江郡屬縣有遼道合肥侯國廬江郡屬縣有舒

廬州府志卷一

沿革

四

臨湖侯國龍舒侯國有襄安有居巢侯國

三國時合肥屬魏爲重鎮

按晉書志云自合肥之北至壽春悉屬魏通典魏明帝時

以滿寵爲揚州都督諸軍鎮合肥上表言合肥城西北三

十里有奇險可依更立新城據此合肥屬魏無疑名勝志

以舒居巢等縣屬吳

晉爲淮南廬江二郡地自漢至晉屬揚州

晉地理志九江郡武帝改爲淮南郡屬縣有合肥遼道廬

江郡屬縣有舒居巢襄安

宋齊時爲廬江郡及南汝陰南譙等郡而分屬豫南豫兩州

沈約宋州郡志南豫州南譙太守領城父今廬江太守領

舒令南汝陰太守領汝陰令所治卽漢晉合肥縣

南齊州郡志晉孝武寧康元年桓冲以邊寇未靜分割譙

梁二郡置之浣川立爲南譙梁郡又云豫州南汝陰郡領

十三縣梁郡領四縣有城父注云永元志屬南譙南豫州

廬江郡領七縣南譙郡領六縣

按御覽引劉澄之豫州記城父縣有巢湖湖有三山湖南

有四鼎山今四鼎在巢縣據此知城父在今巢縣界又自

晉之南渡民庶奔徙郡縣多有僑置然僑立郡縣屬僑立

之州其本地舊郡自屬本州故東晉廬江九江猶屬揚州

其郡內僑置如汝陰之類乃屬僑立之豫州至安帝之末

則盡割屬豫州宋齊因之所謂土斷也又豫州本在淮北

廬州府志卷一

沿革

五

晉成帝僑立豫州于淮南是爲南豫然晉宋之時間取淮

北復置豫州故豫與南豫稱爲二豫其間或合或分故沈

約曰午有離合而分立居多至齊無復淮北則豫州特分

裂南豫之地而已當時豫州亦稱西豫州齊武帝永明四

年冠軍長史沈憲啟以廬江郡還西豫州而南豫州別駕

殷淵爭之以爲廬江屬南豫濱帶長江與南譙接壤租帛

從流送州實爲便利按其時南豫州治在歷陽度當時廬

江郡治正當今廬江縣境故云濱帶長江從流送州也至

當時荒郡所據蓋不過今一縣地南譙郡其今之無爲州

梁郡其今巢縣乎故城父在今巢境而時屬南譙時屬梁

也

梁初因齊制及太清元年以合肥爲合州旋喪亂地入東魏
按梁書無地志魏書地形志云合州統八郡蕭衍置魏因
之其郡曰汝陰南頓南樂北梁南譙廬江西汝南北陳此
足以見梁制今廬州界蓋在其中矣又梁武以前魏亦嘗
間取其地然暫據卽失此要爲南朝之士自梁末地入北
朝魏傳至齊陳之武文兩帝皆不能復陳宣帝太建四年
吳明徹等始克合州然才及七年而淮南之地盡入于周
矣又隋書地理志於廬江縣下注云梁置廬州後齊州廢
按廬江郡自梁武大同以前屬南豫州太清置合州于合
肥則屬合州紀傳不見于廬江置鎮之事且後齊承魏魏
書固云郡屬合州矣若果有州鎮廢之不待齊也以此推

廬州府志卷一 沿革 六

之知隋志必是舛誤

隋開皇三年罷天下諸郡此地始爲廬州煬帝改州爲郡復
曰廬江郡

隋地理志廬江郡梁置南豫州又改爲合州開皇初改爲

廬州統縣曰合肥注云梁曰汝陰置汝陰郡後齊分廬江

注云齊置廬江郡梁置南豫州襄安注云梁曰新慎注云東魏

州後齊州廢南豫州初郡廢開化注云梁曰新慎注云東魏

唐初爲廬州中改爲廬江郡後復爲州領縣五屬淮南道

唐地理志廬州廬江郡上縣五合肥慎巢上本巢安

置巢州并析置開成扶陽三縣七年州廢省廬江巢有

開成扶陽以巢來屬東南四十里有故東關廬江山白茅

銅山有舒城上開元二十三年

太平寰宇記武德三年改爲廬州領合肥廬江慎三縣七
年廢巢州爲巢縣來屬天寶元年改爲廬江郡乾元元年
復爲廬州

按唐州有輔雄繁望上中下七等而廬州爲上又隋時名
州則去郡名郡則去州唐時蓋兼存之故曰廬州廬江郡
五代初屬楊吳後屬南唐

五代史職方表廬州梁唐時屬吳晉漢時屬南唐周乃有
之置保信軍

輿地紀勝楊行密爲廬州刺史而吳及南唐遂據有其地
太平寰宇記後唐爲昭順軍節度

輿地紀勝後唐爲德勝軍節度象之謹按南唐重修巢湖

廬州府志卷一 沿革 七

太姥廟記乃德勝軍節度使都督廬州諸軍事廬州刺史

以保大二年周鄴立其碑見在廟中可以爲據則在南唐

非曰昭順軍矣今從通鑑長興二年書德勝軍節度使張

崇守廬州及廟碑書爲德勝

周爲保信軍節度使治

太平寰宇記周顯德五年改爲保信軍

輿地紀勝周世宗平淮南改爲保信軍節度

宋初爲廬州合肥郡領縣五設淮西路兵馬鈐轄兼本路安

撫使治合肥後以無爲鎮建軍領無爲巢廬江三縣

太平寰宇記廬州合肥郡今治合肥縣領縣五合肥慎巢

廬江舒城無爲軍

元豐九域志上廬州廬江郡保信軍節度下州無爲軍太
平興國三年以廬州巢廬江二縣隸軍熙寧三年析二縣
地置無爲縣無爲軍領縣三無爲廬江巢

宋地理志廬州上保信軍節度大觀二年陞爲望舊領淮
南西路兵馬鈐轄建炎二年兼本路安撫使紹興初寄治
巢縣乾道二年置司於和州縣三合肥舒城梁梁本慎縣
紹興三十二年避孝宗諱改今名

元廬州路上設淮西總管府領縣八

其三今屬廬州

元地理志廬州路上元至元十三年設淮西總管府明年
于本路立總管府隸淮西道二十八年以六安軍來屬後
升六縣爲州領縣有合肥倚郭梁縣舒城

廬州府志卷一

沿革

八

明爲廬州府初設江淮中書行省于此尋罷領州二縣六

明地理志廬州府太祖甲辰年七月爲府置江淮中書行
省于此尋罷領州二縣六有合肥舒城廬江無爲州州領
巢縣六安州州領英山霍山

國朝爲廬州府初領州二縣六今領縣四州一合肥舒城廬
江無爲州巢縣

廬州府舊屬江南布政司初領合肥舒城廬江無爲州巢
縣六安州霍山英山後屬安徽布政使領合肥舒城廬江
無爲州巢縣

府牒雍正二年十月十二日部議以江南財賦甲於海內
款項繁多催科不易且路途隔遠往返盤查致稽時日廬

江之六安州雖去府不及二百里而阻山帶澤地控豫省
本屬緊要地方其原屬掛銜之英山一縣去府五百四十
里錯處楚壤地尤險遠應以英山縣并原屬六安掛銜之
霍山縣同歸六安州管轄亦改直隸奏准在案因以六安
州改陞直隸州領英山霍山兩縣廬州府領一州四縣

合肥縣

漢置合肥縣屬九江郡後漢爲合肥侯國三國屬魏晉屬
淮南郡東晉於此僞置南汝陰郡縣曰汝陰宋齊因之梁
初爲豫州治後爲合州治後魏因之隋開皇初復曰合肥
爲廬州治大業初爲廬江郡治唐復爲廬州治五代宋因
之元爲廬州路治明爲廬州府治

廬州府志卷一

沿革

九

本朝因之

按合肥之縣最廣其東南蓋有漢居巢縣地其東北蓋有
漢遼遼縣地遼遼之地南朝僞置慎縣宋改梁縣明以梁
縣併入合肥此合肥之界所以廣也又慎縣本在汝南此
遼遼之慎乃是僞置左傳吳人伐慎乃汝南之慎後人附
會以謂在合肥界則失之矣

舒城縣

春秋羣舒國漢置舒縣屬廬江郡後漢晉因之唐開元二
十三年析合肥廬江二縣地置舒城縣屬廬州五代宋因
之元屬廬州路明屬廬州府

本朝因之

按江南述志沿革表以謂漢舒縣隋併入廬江唐析合肥廬江置舒城復得漢舒縣地此說甚確若漢龍舒據左傳杜注則似在今桐城舊志以舒城爲龍舒似非是

廬江縣

漢亦爲舒縣地屬廬江郡後漢因之三國時爲吳魏境上地宋齊之舒縣城在此遂爲廬江郡治梁蓋改名潛縣後魏因之隋開皇初郡廢改縣曰廬江屬廬州大業初屬廬江郡唐屬廬州五代因之宋改屬無爲軍元因之明初還屬廬州府

本朝因之

按凡言今縣爲古某縣者此皆紀其大概耳實則疆域分

廬州府志卷一

沿革

十

合史家不能盡詳況江北淮南自古兵爭之地城郭爲邱墟邱墟爲城郭何由盡辨古一縣之士今分屬數縣者多矣廬江本郡名而隋以爲縣名者由齊梁之廬江郡治此也齊梁必以郡治此者戰爭之世避孔道而就僻也漢之舒縣蓋當孔道故章懷後漢書注云舒故城在今廬江縣西殆在今舒城縣界內而今廬江特其東隅今縣境蓋又兼得漢臨湖縣之界非第舒地矣其梁時易舒爲潛據魏地形志廬江郡統縣但有潛而無舒又注潛有野父山野父卽今冶父則潛卽今廬江矣

無爲州

州以無爲鎮名或云魏築城征吳無功因號無爲

太平寰宇記

或云取無爲而治之意方輿勝覽春秋時巢國地漢初置襄安居巢二縣屬廬江郡後漢以居巢爲侯國晉初爲縣後僞置南譙郡斬扶陽等縣宋齊因之隋爲廬江郡襄安縣地唐爲巢縣地又嘗置巢州旋廢宋太平興國三年始以巢縣之無爲鎮建無爲軍尋廢淳化中復置軍屬淮南西路熙寧三年又析巢廬江二縣地置無爲縣爲軍治元至元十四年升無爲路二十八年降爲無爲州屬廬州路明洪武初存州省無爲縣以州屬廬州府

本朝因之

按漢居巢屬廬江縣屬九江二郡正以巢湖爲界故居巢在湖南也劉昭於郡國志引廣志云居巢有三大湖今

廬州府志卷一

沿革

十一

無爲州金繩寺南有古城跡相傳爲居巢古城其左卽巢湖其右卽廬江白湖疑其地爲是若今巢縣自在湖北非古居巢矣

巢縣

漢梁卓遠道二縣地屬九江郡後漢省梁卓入遠道晉仍之唐置巢州武德七年州廢改縣曰巢屬廬州五代因之宋太平興國三年以縣地置無爲軍而屬焉其時巢縣治雖不在居巢而縣境猶兼居巢自熙寧析縣南爲無爲縣則巢縣之得古居巢境蓋無幾矣宋南渡紹興十一年縣屬廬州十二年還屬無爲軍景定三年爲鎮巢軍治元至元二十八年罷軍復以巢縣屬無爲州明不改

斗三度至女一度屬吳越分揚州之域白女二度至危十
一度屬齊分青州之域則廬屬吳越分六屬齊分也

唐書天文志斗牽牛星紀也初南斗九度中南斗一十四度
終女四度白廬江九江貢淮水南盡臨淮廣陵至東海南
海為星紀之分古吳越羣舒廬桐六蓼及東南百越之國
也南斗在雲漢下流當淮海間為吳分牽牛去南河復遠
方輿勝覽曹明之記合肥入斗度最多故號金斗

宋史天文志北方南斗六星第一主吳第五主廬江

元史天文志斗四度三十六分六十六秒外入吳越分星紀
之次揚州之地

明史天文志斗三度至女一度星紀之次也直隸所屬之廬

廬州府志卷一 分野 六

州府無為州皆斗分

國朝徐文靖天下山河兩戒考補星紀之分斗牽牛二宿位
在正北之東分野屬揚州古吳越羣舒廬六蓼及舒潛宗
巢舒蓼舒庸舒鳩鍾離鍾吾塗山英氏州來姑蔑繆雲氏
之國皆其分也

疆域

廬州府

東西廣三百一十里南北袤三百六十里在江寧省城西北
五百一十里安徽布政使司北三百六十里東至和州含山縣
界一百九十里西至六安州界一百二十里南至安慶府桐城
縣界二百四十里北至鳳陽府定遠縣界一百三十里東南
至和州治三百里西南至湖北黃州府治八百里東北至滁
州治二百八十里西北至鳳陽府壽州治一百八十里自府
治至

京師二千四百六十里

合肥縣

廬州府志卷一 疆域 九

附郭東西廣二百一十里南北袤二百一十里東至巢縣界
九十里西至六安州界一百二十里南至舒城縣界八十里
北至鳳陽府定遠縣界一百三十里東南至巢縣治一百八
十里西南至舒城界八十里東北至定遠縣治一百八十里
西北至鳳陽府壽州治一百八十里

舒城縣

在府城西南一百二十里東西廣八十五里南北袤一百里
東至巢縣界六十里西至六安州界二十五里南至安慶府
桐城縣界六十里北至合肥縣界四十里東南至廬江縣治
九十里西南至安慶府潛山縣界一百四十里東北至合肥
縣界五十里西北至六安州治一百二十里

廬江縣

在府城南一百六十里東西廣一百二十里南北袤一百二十里東至巢縣界八十里西至舒城縣界四十里南至安慶府桐城縣界五十里北至合肥縣界七十里東南至無爲州治一百八十里西南至桐城縣治九十里東北至巢縣界七十里西北至舒城縣治九十里

無爲州

在府城東南二百六十里東西廣一百七十五里南北袤一百四十里東至太平府蕪湖縣界一百二十五里西至廬江縣界五十里南至安慶府桐城縣界九十里北至巢縣界五十里東南至太平府繁昌縣治九十五里西南至桐城縣治一百七十里東北至和州治一百四十里西北至廬江縣界六十里

廬州府志卷一

疆域

三

巢縣

在府城東一百八十里東西廣一百一十五里南北袤一百一十八里東至和州含山縣界二十五里西至合肥縣界九十里南至無爲州界三十八里北至合肥縣界八十里東南至無爲州界三十五里西南至廬江縣治一百五十里東北至和州治一百二十里西北至合肥縣治一百八十里

形勝

漢書地理志壽春合肥受南北湖皮革鮑木之輸亦一都會也

史記貨殖傳合肥合南北湖輿地紀勝作湖皮革鮑木輸會也

魏明帝云先帝東置合肥南守襄陽西向祁山敵來輒破于三城之下地有所必爭也

魏滿龍云南臨江湖北達壽春

唐廬州刺史羅珣德政碑淮海之郡廬爲大封略闢而土田瘠人產寒薄井賦尤重

唐杜牧行廬州刺史制廬江五城環地千里口眾賦重

後唐張崇修廬州羅城記禹貢別九州之域揚鼎居先淮安

廬州府志卷一

形勝

三

控七郡之雄廬邦最大真四塞山河之境乃一方禮樂之邦地勢壯而金斗高人心剛而土風勁

崔琳田侯廟記廬爲淮西根本古城又爲州之襟要

曹明之新城記龍眠蟠其前紫金跨其北淮右襟喉之地江北恃爲唇齒

北恃爲唇齒

宋大觀中鄭集大蜀山龍王廟文廬爲淮西重鎮封疆三百里戶口亦數萬計

權集之云廬江劇郡號爲難理

洪邁太守廳壁記合肥望于淮西地權兩崇宅牧有抗厥今

爲北州伯

巢祖洽三至堂記廬于淮西爲一道都會人物之富甲兵之

強四方商旅遊士之多不比他郡地大以要故選守常重
方輿勝覽韓无咎風鶴亭記淮之南故秦九江也至漢孝
文析其郡又爲廬江實今西路也自春秋季年吳嘗會于
橐皋而漢封皆在于六及孫曹分爭則以合肥屬揚州之
治築爲新城晉人扼肥水以敗秦師周世宗屬兵正陽攻
戰于紫金山下遺跡猶存故今廬州形勝云腹巢湖控渦
潁廣濡須枕潛皖隱然爲用武之郊

呂社東南防守利便兵家論地有所必爭城有所必攻吾之
所以應之者奈何曰深溝高壘待之以必守秣馬厲兵示
之以必戰而已魏之合肥吳之濡須所謂必爭之地必攻
之城也孫權嘗擁十萬之衆而攻合肥矣張遼所領才七

千人遼與諸將謀之及其未合當近挫其勢以安衆心然
後可守也乃募敢從之士八百人明日大戰遼先登陷陣
直抵孫權麾下權大驚不知所爲曹公之出濡須也號步
騎四十萬權止以七萬人拒之遣甘寧糾手下健兒百餘
人夜斫操營北軍震駭此所謂待之以必守而示之以必
戰也夫以戰爲守故能以逸待勞以寡擊衆此爲兵之要
也今合肥濡須皆吳境也論者常以爲兵少不足用城卑
不足守苟爲是言則是必皆懾懦困遁之見也雖與之大
行之阻濁河之限亦必委之而去矣況合肥濡須乎夫守
合肥以限淮北守濡須以藩江左則是江淮表裏之勢也
且合肥從古以來其浸有凍湖肥水其蔽有新城居巢濡

須在吳志有羨谿中洲橐皋其地形俱尙存但不知必戰
必守今人何如古人爾

東湖之東
疑當作濠

風俗

府治合肥縣

隋地理志人物語音風土明茂皆勝淮左諸郡 人性躁勁

風氣果決 俗頗尚淳質好儉約喪禮婚姻率漸于禮

圖經風俗淳樸事耕桑崇儉重名務學賢才彙興

余忠宣公修城記其民質直而無二心

吳澄碑所治據淮上游地大俗質

黃宗載府治記人物清修苦節廉介忠義

王志英序自昔其民質樸不好爭訟而風俗淳美

馬侍郎廷用記其俗勤於稼穡不喜商旅猶有往昔簡古風

朱太守彌序衣冠文物之懿視昔有加生民老子長孫俎豆

廬州府志卷一

風俗

五

婚嫁於桑梓聞弦誦之聲接於四境

舒城縣

虞集記山川高深風氣完密民生其間有中州質愿之美

王章記其俗樸茂剛健而少文其務勤力稼穡而民多富

楊博記土厚水深士生其間剛勁篤實足以任重

廬江縣

古志風氣果決賦性質樸鮮事工商專務稼穡

廬江志俗尚淳質好儉約喪祀婚姻率及於禮

無爲州

無爲圖策人性淳厚好學務本畏犯法而少鬭訟無吳楚勁

悍之風

地理志勤儉務農人恥犯法士力學衣冠文物於斯爲盛

巢縣

唐羅珣德政碑封略闢而土田瘠賤商貴農

廬州府志卷一

風俗

五